

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10) i člana 33. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), a u skladu sa Zaključkom o usvajanju Programa utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti- za zdravstvo”, broj: 02-14-7749/19 od 07.05.2019. godine, na prijedlog Ministarstva zdravstva, Vlada Zeničko-dobojskog kantona, na 16. sjednici, održanoj dana 01.08.2019. godine, d o n o s i

ODLUKU

o odobravanju sredstava JU „Dom zdravlja“ Zavidovići za sufinansiranje radova na dogradnji Centra za mentalno zdravlje

Član 1.

(Predmet)

Odobravaju se sredstva JU „Dom zdravlja“ Zavidovići za sufinansiranje radova na dogradnji Centra za mentalno zdravlje u iznosu 50.000,00 KM (slovima: pedesethiljada konvertibilnih maraka).

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19) sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo”.

JU „Dom zdravlja“ Zavidovići zaključila je Ugovor o nabavci radova na dogradnji Centra za mentalno zdravlje, broj: 01-2-202020/19 od 19.06.2019. godine sa dobavljačem „Tuzlić-Srebrenica“ d.o.o. Zavidovići, čija je ukupna vrijednost 177.820,60 KM sa PDV-om.

Sredstva odobrena ovom odlukom će se transferisati na žiro račun JU „Dom zdravlja“ Zavidovići broj: 1340300000007482, na osnovu zaključenog ugovora o nabavci i ispostavljenim privremenim situacijama do iznosa odobrenog ovom odlukom.

Član 3.

(Provođenje Odluke)

Za provođenje ove odluke zadužuju se JU „Dom zdravlja“ Zavidovići, Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

Član 4.

(Izveštavanje)

JU „Dom zdravlja“ Zavidovići dužna je izvijestiti Ministarstvo zdravstva o namjenskom utrošku sredstava, dostavljanjem dokaza o uplati sredstva dobavljaču.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-12262/19

Datum, 01.08.2019. godine

Zenica

PREMIJER

Mirza Ganić

DOSTAVLJENO:

1x Ministarstvo zdravstva,

1x Ministarstvo finansija,

1x JU „Dom zdravlja“ Zavidovići, putem ministarstva,

1x „Službene novine Zeničko-dobojskog kantona“,

1x a/a.